



ELEKTROPRIJENOS BIH
ЕЛЕКТРОПРЕНОС БИХ

Broj: JN-OP-801-~~3~~/2024

Datum: 17-09-2025

PREDMET: Pojašnjenje tenderske dokumentacije

U sjedištu Ugovornog organa dana 16.09.2025. godine pod brojevima protokola: JN-OP-801-26/2024, JN-OP-801-27/2024 i JN-OP-801-28/2024 zaprimljeni su Zahtjevi za pojašnjenje tenderske dokumentacije, broj: JN-OP-801-6/2024 u postupku javne nabavke (Nabavka Rekonstrukcije TS 110/x kV Goražde 1), dostavljeni od strane privrednih subjekata (Energoinvest d.d. – Sarajevo i Deling d.o.o.), u kojima se traže sljedeća pojašnjenja:

Pitanje 1: (Energoinvest d.d. – Sarajevo, 16.09.2025.)

U vezi sa TD dijelom 17. Sadržaj ponude, tačka 7.2. Tehnička dokumentacija ponuđene opreme, pod f) SN postrojenje 12(24) kV, gdje se traže: f5) Preliminarne blok – šeme, šeme djelovanja i vezivanja sekundarnih krugova (sa ponuđenim zaštitno – upravljačkim uređajem). Naime, izrada šema djelovanja i vezivanja obično se vrši u fazi glavnog projekta, te Vas ljubazno molimo da nam potvrdite da je u fazi nudioca dovoljno dostaviti preliminarne blok – šeme sa ponuđenim zaštitno – upravljačkim uređajem ?

Pitanje 2: (Energoinvest d.d. – Sarajevo, 16.09.2025.)

Nakon uvida u dokumentaciju Idejnog rješenja koju ste nam omogućili prilikom obilaska stanice primijetili smo da su u spojnom polju 110 kV, izolatorski lanci označeni kao postojeća oprema. U tenderskoj dokumentaciji dio D.12 IZOLATORSKI LANAC 110 kV SA POLIMERNIM IZOLATOROM 110 kV, na stranici broj 215, se navodi da je potrebno ugraditi izolatorske lance sa polimernim izolatorom u spojnom polju 110 kV na sabirnicama i visokim vezama. Možete li potvrditi da li se u spojnom polju postojeći izolatorski lanci mijenjaju ?

Pitanje 3: (Deling d.o.o., 16.09.2025.)

S obzirom na to da je tenderskom dokumentacijom traženo da li možete dostaviti dispoziciju postrojenja TS 110/x kV Goražde 1 ?

Pitanje 4: (Energoinvest d.d. – Sarajevo, 16.09.2025.)

U TD na stranici 362, Prilog 16.1 – Tabelarni pregled tipskih ispitivanja za prekidače 110 kV, je navedeno da je potrebno izvršiti "Continuous current test" u skladu sa tačkom 6.5 standarda BAS IEC 62271-100. Međutim, u ovom standardu, tačka 6.5 se odnosi na temperature rise test. Molimo Vas da jasno definišete koji od dva navedena testa je potreban za ispitivanje 110 kV prekidača i ukoliko bude potrebno u skladu sa odgovorom izvršite izmjenu tenderske dokumentacije.

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

Odgovor 1:

Vezano za zahtjev naveden u TD tačka 17. Sadržaj ponude, koji se odnosi na dokumentaciju za ponuđenu opremu - SN postrojenje 12(24) kV koja je navedena na poziciji f5), pojašnjavamo dio zahtjeva koji se odnosi na dostavu šema djelovanja i vezivanja sekundarnih krugova (sa ponuđenim zaštitno – upravljačkim uređajem). Predmetni zahtjev ne odnosi se na dostavu navedenih šema sa kablovskim vezama, obzirom da taj obim dokumentacije predstavlja sastavni dio projektne dokumentacije Izvedbenog projekta Rekonstrukcija TS 110/x kV Goražde 1.

Pod zahtjevom za dostavu šema djelovanja i vezivanja sekundarnih krugova (sa ponuđenim zaštitno – upravljačkim uređajem) podrazumijeva se dostava principijelnih šema internog ožičenja za sve vrste ponuđenih ćelija sa pripadajućim zaštitno – upravljačkim uređajem (transformatorska, odvodna, ...).

Odgovor 2:

Potvrđujemo da je u TD tačka D.12 Izolatorski lanac 110 kV sa polimernim izolatorom 110 kV (str.215/415 - str.221/415), od strane Elektroprenosa BiH iskazan zahtjev za isporukom i ugradnjom jednostrukih nosnih izolatorskih lanaca 110 kV sa polimernim izolatorom 110 kV i jednostrukih zateznih izolatorskih lanaca 110 kV sa polimernim izolatorom 110 kV, u količini potrebnoj i dovoljnoj za funkcionalnost Spojnog polja 110 kV. U skladu sa iskazanim zahtjevom, neophodno je izvršiti zamjenu postojećih izolatorskih lanaca i izolatora u Spojnom polju 110 kV sa novom opremom, što je i navedeno u polavlju E. Elektromontažni radovi i funkcionalna ispitivanja (SAT).

Odgovor 3:

Dispozicija TS 110/x kV Goražde 1 ne predstavlja dio TD za Nabavku Rekonstrukcije TS 110/x kV Goražde 1.

U slučaju da smatrate potrebnim da izvršite uvid u dispoziciju postrojenja TS 110/x kV Goražde 1, u skladu sa tačkom 10.2 TD Elektroprenos BiH je obavezan omogućiti obilazak lokacije TS 110/x kV Goražde 1. Ponuđač ima obavezu da zahtjev za obilazak lokacije TS 110/x kV Goražde 1 uspostavi u pisanoj formi prema Elektroprenosu BiH. Informaciju o datumu i terminu obilaska TS 110/x kV Goražde 1 Elektroprenos BiH ponuđaču dostavlja pisanim putem. Prilikom obilaska lokacije TS 110/x kV Goražde 1, ponuđaču će za uvid biti dostupna raspoloživa projektna dokumentacija objekta.

Odgovor 4:

Potvrđujemo da je na str. 362/415 TD, Prilog 16.1 Tabelarni pregled tipskih ispitivanja za prekidače 110 kV, u trećem redu tabele koji se odnosi na tipsko ispitivanje definirano tačkom 6.5 standarda BAS EN IEC 62271 – 100 greškom pridružen pogrešan naziv ispitivanja. Umjesto navedenog ispitivanja Continuous current test treba biti navedeno ispitivanje Temperature – rise tests. U skladu sa navedenim doći će do izmjene TD.

S poštovanjem,

Predsjednik Komisije
za JN-OP-801/2024



Dubravka Livnjak